

Fesili Masani mo Mea Fai Siaki o le COVID-19 ua Mae'a le Aogā

'Aua le vave lafoa'ia au mea fai siaki o le COVID-19. O auala nei e tatau ona e iloa pe afai o loo lelei pea au mea fai siaki o le COVID-19 e ui ina te'a le aso o lisiina i le pusa e mae'a ai lona aogā.

E mafai ona ou fa'aaogaina se mea fai siaki o le COVID-19 ua mae'a lona aogā?

Ioe. Ua fa'amatuina atu e le Washington State Department of Health (DOH, Matagaluega o le Soifua Maloloina i Uosigitone) se [fa'atagana aloa'ia mo le fa'aaogaina o mea fai siaki ua mae'a le aogā](#) (i le Igilisi) ae se'iloga lava ua mae'a le siakiina ma ua pāsia tulaga lelei pea o mea fai siaki, lea ua matou fa'amatalaina atu i lalo.

O le isi mea, o nisi mea fai siaki o le COVID-19 ua maua mai le fa'alautelega o lo latou aogā mai le U.S Food and Drug Administration (FDA, Pulega o Taumafa ma Vailaau mo Togafitiga i le U.S), lea ua tuuina ai i ia mea fai siaki aso fou e mae'a ai aogā e 'ese mai aso o loo e vaaia i le pusa. E mafai ona su'eina i le [lisi a le FDA mo mea fai siaki ua fa'alauteleina o latou aogā](#) (i le Igilisi ma le Fa'aSipaniolo) ina ia sa'ili ai poo le fea mea fai siaki ua fa'afouina aso e mae'a ai aogā. Tusa lava pe o se mea fai siaki sa fa'afouina le aso e mae'a ai le aogā ma ua pasi foi, e tusa ai ma le DOH, e mafai lava ona e fa'aaogaina mea fai siaki pe afai ua uma ona siakiina tulaga fa'aauau o le lelei.

O mea tāua: E mafai ona e fa'aaogaina se mea fai siaki ua mae'a lona aogā ae se'iloga lava ua uma ona siakiina ma ua pāsia tulaga o le lelei pea.

E fa'apefea ona ou iloa o mea fai siaki o le COVID-19 ua mae'a le aogā e aumaia i'uga sa'o?

O lau mea fai siaki o le COVID-19 o le a iai fa'atonuga i sitepu e te faia ina ia mautinoa le aogā lelei o mea fai siaki, lea e ta'ua foi o le "mata'ituina o tulaga lelei". E mafai ona e mauaina le fa'agasologa o le mata'ituina o tulaga lelei o mea fai siaki i le vaega o i'uga o siaki i le pepa o fa'atonuga. O le fa'agasologa o le mata'ituina o tulaga lelei o le tele o mea fai siaki e fa'aaogā i aiga ua na'o se faiga fa'afaigofie ina ia mautinoa ai o le laina e sosoo ma le "C" lea e i luga o le mea fai siaki e fa'a'ailoa mai pe afai e fa'asinasina iai vaega siakiina. Afai e fa'aletonu le fa'agasologa o siaki, e tatau ona e lafoa'ia le mea fai siaki.

E fa'apefea ona fa'alauteleina le aogā o se mea fai siaki?

O pisinisi e gaosiina mea fai siaki o le COVID-19 e mana'omia le faia o su'esu'ega e tilotilo toto'a ai poo le a le umi e mafai ona fa'aaogaina ai se mea fai siaki. E fa'aaogaina e le FDA lenei fa'amaumauga e tuuina ai fa'atagana aloa'ia e fa'alauteleina ai aso o le aogā. O le fa'alauteleina o aso o aogā o mea fai siaki o le COVID-19 o se faiga e masani ai mai le tele o fa'amaumauga e maua mai pea i le umi e aogā ai ia mea fai siaki.

Matou te fa'amoemoe o lenei fa'amatalaga e toe fa'amanatu atu ai ia te oe pe afai e te fa'aaogaina nei mea fai siaki e foliga ua mae'a aso fa'atulagaina e fa'aaogā ai, e tusa ai ma le aso o loo tusia i le pusa. O lea ua e iloa le mea e tatau ona fai e sa'ili ai pe o tulaga lelei pea au mea fai siaki o le COVID-19: mulimuli i fa'atonuga o mea fai siaki mo le mata'ituina o tulaga lelei. Afai e pāsia siaki o tulaga lelei, o lona uiga o loo saogalemū pea ma mafai ona fa'aaogā.

Fa'afetai tele mo mea uma ua e faia ina ia fa'atumaui ai pea le malupuipua ma le soifua maloloina o a tatou komiuniti.

Mo le talosagaina o lenei tusi i se isi fa'atulagana, vili le 1-800-525-0127. Mo i latou e logonoa pe fa'aletonu le fa'alogo, fa'amolemole vili le 711 (Washington Relay) pe imeli le civil.rights@doh.wa.gov.